

To kamata e vili Kanosila Maaga he Faahi Tokelau ha Pamasitone he aho 16 Sepetema - 8 Oketopa 2022. Ko e viliaga ke moua 1 e takitaki kanosila (mayor) mo e 15 e tau hukui kanosila (councillors).

2 e hukui kanosila ka fifili ke hukui e Te Pūao Māori ward (ke lata ma lautolu ne haha i ai he tohi fakamau tagata vili he tau Maui) mo e 13 e hukui kanosila ka vili ke hukui e Te Hirawanui ward (ke lata mo lautolu ne haha i ai he Matapatu tohi fakamau tagata vili).

Ko e heigoa e tau gahua he Kanosila?

Fono tumau e Kanosila Maaga ke taute e tau fifiliaga kua lauia ai e tau momoui he tau tagata he Faahi Tokelau ha Pamasitone. Leveki he Kanosila, loga he tau fekau gahua he maaga lauia ai e tau puhalatu, tau puhala moua vai, lau he tau veve, tau fale tohi totou, tau male paaka, tau fale tolo, fakamau numela kuli, tau atihakeaga he maaga mo e puhala mouaga tupe, mo e talagaaga he maaga.

Ko hai kua lata ke vili ki ai?

Ko e tau viliaga ko e puhala haia ma e tau tagata ke fifili e Kanosila ke hukui mo e omoi e tau manatu laulahi mo e kitiaaga he tau tagata he maaga.

Ke tu ke he viliaga ko koe ni ko e:

- Taha sitisene Niu Silani MO E
- Kua fakamau e higoa ko e tagata vili (kakano foki kua 18 e tau-moui haau) MO E
- Kua fakatu ai he tokoua e tagata vili mai he Faahi Tokelau ha Pamasitone.

To pa e fakatu higoa he **Aho Falaile 12 ia Aokuso 2022** he magaaho afiafi.

Ko hai ne maeke ke vili?

Ko lautolu ni ne fakamau e tau higoa ka maeke ke vili. Maeke a koe ke fakamau mo e vili kaeke:

- Ko koe kua tu e 18 e tau-moui poke molea MO E
- Ko koe ko e sitisene poke tagata nofomau poke tagata nofomau fai visa MO E
- Kua nofo a koe i Niu Silani ke he taha e tau poke molea mo e nofoloa he taha magaaho.

Kaeke ko e tagata Kuki Aelani Maori, Niue, Tokelau poke Osetalia kua maeke a koe ke fakamau ke vili ai kaeke kua nofoloa a koe i Niu Silani ke katoa ke 12 e mahina; ti nakai lata ia koe ke fai visa.

Ke fakamau ke vili, kikite ke he [vote.nz](https://www.vote.nz) poke hea e 0800 36 76 56.

Ko e vili fefe?

To fakafano atu e hafi meli ne toka ai e tau pepa vili he aho 16 ia Sepetema 2022 kia lautolu ne kua fakamau e tau higoa ke vili. To taatu fakalataha ke he tau pepa vili e tau fakamaamaaga ko e fakapuke fefe.

Hagahaga mitaki e tau viliaga ha Niu Silani, ti ko e vili haau to puipui ni ki ai. Nakai lata ke talaage kia taha ko hai ne vili a koe ki ai, kae maeke ka fia loto a koe.

Ko e tau matapatu aho ma e tau tagata vili:

16 Sepetema 2022

Kua fakafano atu e tau pepa vili he meli mo e hafagi e viliaga.

8 Oketopa 2022

Pa fakaoti e viliaga he matahola 12 he aho.

13 Oketopa 2022

Fakailoaaga he tau ola vili.

Ka manako lagomatai poke ha talahauaga foki

Ke fakamau ke vili: hea ke he 0800 36 76 56 poke kikite ke he **vote.nz**

Ke kumi lagomatai vili poke ha mena hogaao ke he viliaga: **hea ke he 0800 922 822**

Maeke foki a koe ke finatu ke kumi lagomatai ke he ofisa he Kanosila Maaga he Faahi Tokelau ha Pamasitone po ke Manawatū Multicultural Centre.